

## ¡BOMBA!

Por más que clamen sus pares, no paran Rusia y Ucrania; tras bombardeos de insania ya quieren armas nucleares



# K'untzil

Miércoles 20 de noviembre de 2024

CAMPECHE · YUCATÁN · QUINTANA ROO · AÑO 10 · NÚMERO 2366 · [www.lajornadamaya.mx](http://www.lajornadamaya.mx)

## Putine' tu jets'aj doctrina ma' tu talamkúunsik u k'a'abéetkunsa'al nuclear ts'oono'ob, tu jo'olaj beeta'ak loob tumen Ucrania

Afp / p 29  
Oochel Ap



U jala'achil u noj lu'umil Rusia, Vladímir Putin, tu jets'aj le martes máanika, tu p'iitkunsaj le jejeláas ba'axo'ob ti'al le ku béeytal u k'a'abéetkunsa'al nuklear aarmáas tumen Rusia, tu jo'olaj u jala'achil Estados Unidose', Joe Biden, tu cha'aj ti' Ucrania u ts'onik ba'al wa ti' yaan ichil rusoil lu'um, ba'ale' yéetel u yáantajil ts'oono'ob ku maas

náachtal u ts'oon, ts'o'oke' ts'a'aban tumen Estados Unidos.

Túumben ba'ax jets'a'abe' m'ín ku béeytal u na'ata'al beey nuclear núuktajil ku beeta'al tumen Moscú, ts'o'oke' m'ín tak yóok'olal je'el ba'axak loobilaj ka beeta'ak yóok'ol Rusia tumen je'el ba'axak noj lu'umil táakmuk'taan tumen nuclear potencia.

U Ministerioil Defensa de Rusia tu ya'alaj Ucraniae' tu ts'onaj le martes máanika, wakp'éel u misililo'ob ATACMS, ku beeta'al Estados Unidos. Ts'oone' beeta'ab yóok'ol jump'éel militar kúuchil yaan tu baantail Bryansk, jáal yanik yéetel Ucrania, ts'o'oke' defensas ts'a'abal xik'nale', tu lúubsajo'ob jo'op'éel ti' le ts'oono'ob je'elo', ka'aj tu k'askúunsajo'ob uláak'

jump'éel maas. Ucranail ejéercitoe' tu jets'aj ts'oon beeta'abe' k'uch tak jump'éel kúuchil tu'ux ts'a'abal rusoil municiono'ob.

Beey túuno', yóok'olal doctrina jets'a'abe' táan u páa'taal ka núuka'ak yéetel nuclear ba'al tumen Rusia, ba'ale' tu beel jets'a'anil ti'al ma' u yantal u k'a'alal u beetl Putin ti'al u jeel ba'alo'ob.